

ILALIUTIYAAQ A

Havanguyup Taiguhia:

Elu Inlet Pinagiyauniqpamik Uumayulikutit Ilagiyat Kititauni

Tukhigaqtut:

Marin Raillard, Ataniq Naunaiyaiyi, Kanatamiuni Quttiktuq Ukiuqtartuq Naunaiyaivik, Ottawa, ON
Johann Wagner, NAunaiyaiyi Qauyihaiyi, Kanatamiuni Quttiktuq Ukiuqtartuq Naunaiyaivik, Ottawa, ON

1. Havanguyup Huliniit:

Una maniqami havanguyup havaktauniaq nunami pivaliatitauqpialaqtumi qaphiunilu atuqtut havakhanut piyaulanut. Uqauhiuni atuqtauniat piqatigiplugit TMAC Risuasis, nanminilgit havakniaqtut nunalikutinut naunaiyainiq atautini tapkunani inigiyaini uuma maniqami havakviuniani. Tapkuat CHARS havaqatigit havaginiaqta uumayulikutit inituqliqaqvutlu kititaunit havat atauttikku ihuaqhatqikhaqlugitlu tapkuat pityuhit hannaiyaqninut atuqpiagnit hivunikhami havat ikayuqtigiplugit tapkuat NRCAN GEMS havagutit hivunikhami ukiuni. Tapkuat pinahuaqta ilihautini maniqami havaktit tapkuat pilaqnit piqatauni nunalikutit naunaiyaqni havaknit uumayulikutit inituqlituqatlu kititaunit. Piluaqtumik taiyaunit, CHARS havaqatigit havagiyauniat nautiaqaqnit nunaulyuqnit, tingmiat naunaiyaqni, angutikhat naunaiyaqni inituqlituqatlu naunaiyaqni.

2. Atugakhaliat Huliniit:

Julai 3, 2015	Tingmititauni maniqami havaktit ilakhatlu talvunga Elu Inlet igluqpaqaqvinut, ihuaqhaqnia atuqniqhami hiniktaumavik.
Julai 4-13	Ilittugihimania avataa Elu Inlet nuna pivalianitlu pitquhiit. Nunalikni naunaiyainit.
Julai 14-Aagasi 14	Havaktit havaktai naunaiyainit tahamuna akutunilikni aulagiani pingugutauni niqqaqvuyut atuqhugit qayalgit tingitit tikilaqnit. Atuni akutunigiyai piniaqt mikhaani 100 kilaamitat takinit piqaqluni atauhiqmik niqqaqvuyup qitipyaani.
Aagasi 14 – 19	Puqtuqlugu atuqniqhaq hiniktaumavik tapkuatlu havaktit tingmitmun utiqni Ikaluktutiakmun.

*tamaita upluit piyut +/- 5 uplut hilaqutlu piplugit

3. Hivulliuyunut Upalungaiyautit:

Takulugit attataqhimayut nunauyat uuktugayumun naunaiyainiq nunanut. Taiqpiqhimani aulagiat inai anunaiqniat maniqami havakviuyumin qayalikhmun tingmitmun tikilaqnit nunamutlu pihuktakhat aulagiat utimun atuqniqhamut hiniktaumavik talvani Elu Inlet Igluqpaqaqviani.

Maniqami havaktit iliahutyauniat atautimi inigiyani (Elu Inlet igluqpaqaqviani) tapkuninga kititaunit pitquyainut pinguqtaunilu tingmitmun hiniktaumavik. Ilai naunaiyainit avataani taphuma igluqpaqaqvui, kihimik amihuniqhat tuhakhat piyauniat aulagiagayunit.

Niutiaqaqniuyut nunaulyaliuqni: Atuqtauvaktut piqaqpiaqni titiqnit, nunaliquitit naunaipkutai piksat piyauniat tamaitni ayyikkikninut nauhimanit qanugittuni tahamuna aulagiat atunilu aviktauninut tapkununga ilanganut 12 nauhimanit taiyauni. Tahapkuat inai inigiyai titiqtauniat talvunga GIS havagutainut atuqlugit ilihautauni piyauqpiaqnit qangattaqhimayuni piksaliugutauninut pinahuaqhugit tapkuat nauhimaninut taiyaunit tahamunga tamaat nunaulyaliugaq nunanut. Naunaiqniaqtavut tapkuatmikiniqpat nuna piyaqaqnia qanugitninut nalaumanit nunaumat naunaigahuaqhugit piyaqaqni puqtunit akhuqninut hivunikhami kititauninut havat.

Tingmiat naunaiyaqni: Qaphit tingmiat kititauni pityuhit atuqtauniat hutqiknilu: Naunaiyaqattakaphuknit, Ivayut Tingmiat Naunaiyaqni, PRISM naunaiyaqni naunaiyaqattakaphuknilu titiqat. Tamna pityuhiq atuguminarniqpaq ihuaqnia aulagiat tingmiviunit hiniktaumavit tahamani Quttiktuq Ukiurtaqtumi naunaiqtauniaq.

Angutikhat Naunaiyaqni: Tamaita angutikhat allatqit kitiutauniat inigiyailu titigaqtaulutik tingmitikkut tahamuuna aulagiani.

Inituqlituqat Naunaiyaqni: Tapkuat inigiyai kitutliqak inituqlituqat inai takuyauyut atuqtitlugit aulagiat naunaiyainit titigaqtauniat.

4. Titiqat napayut hanahimayut:

- Elu Inlet Igluqpaqia – hanatahimayuq talvani 68°32.13'N/105°40.12'W, atuqtauhimayuq pulaagatuliginimun – takulugu attataqhimayuq nunauyaq (Julai 3 – Aagasi 19)
- 1-2 tupihat tupiit haniani Elu Igluqpaqavikmi hanalgutinut tutqumavik (Julai 3 – Aagasi 19)
- 3-4 malguknut inununut ukiuq tamaat tupiqpaak (Julai 14-Aagasi 14)

5. Hanalgutit atuqtauyut:

- Qayalik Tingmit
- Hiniktaqviki hiuqyuk (Coleman tamnaluniit MSR, uqhuqaqtuq)
- Pupilakturtuq uunaqut (for heatinguunaqtauyut aturniqhami hiniktaqviki, piyagiaqagangat)
- Qulliliqut (huangakhaut qangatayunut hivayautit, GPS tugagutit, ahiilu)
- Tigumiagaq tagiumi naalautit qangattaqhimayunut hivayautitlu (nautiumatit)
- Tigumiagaq GPS tugagutit (titiqninut aulagiat inigiyai naunaiyainiqlu tautugutit)

6. Uqhukhat atuqtauyukhat:

- 4x 4L puunguyut naaptamun (uqhukhai Coleman hiuqyuit)
- 4x 25L puunguyut kaasilimun (qulliliqutmun)
- 4x 20lb puplakhat qattaqyunuit (uunaqutinut)

7. *Takulugit attataqhimayut kuviyunut atugahuqugutit upalungaiyautit.*

8. *Methods of transportation:*

- Nuktigautit havaktinut piqutainutlu atuqniqhamut hiniktaqvikmun qayalikmun tingmitmun (Ikaluktutiakmin)
- Nuktigautit havaktinut piqutainutlu qayalikmun tingmitmun (talvanga atuqniqhamin hiniktaumavikmin naunaiyaiviknut nunanut)
- Nuktigaqni nunakkut atuqtitlugit aulagiat naunaiyainit pihukhutik kihimik

9. *Nunalikni Avatiliqutinut Ilagiyai:*

Tamna naunayagaq nuna piniqhauyuq ilalik mihalukmik natirnaqmik, piqaqniqhaupluni pinguqyuknik uqpigaqniklu <40cm puqtunilgit, piguqpiqahimaplutik uqyuqaqniit qangani. Mikitqiyat nunat piqaqtut paniumayunik natiqnaqnik nauhimayuvaluliknik (uqpigait <5cm puqtunilgit) tahamnaluttauq mihaluqaqniq piqaqniqhauplutik pinguaqyuit, nauhimanit uqyutlu. Tahapkuat nunat piqagutauyut nakuuyumik ubluqaqnit nayugauvaktut attaqtuyumi inigiyani ukiurtaqtumi piguqtut imaqmiutat tingmiat hinaanilu tingmiat. Amihut qaphiuni imaqmiutat tingmiat (>500,000 malguttaqnit) ilautitklugit Ross's kanguit, Mikitqiyat kangut, Niqliqnait, Niqliqnaitlu, ivayut haniani Kiilliniq Iluiliqmi Tikittaqtut Tingmiat Hapuhimavia. Tamna nunalit avikhimania atuqpiqatluq ubluqaqviknut, ihanut piaganiktiqviuyunutlu tahapkununga allatqinut uumayunut. Amigaitpallaqnit amigaiqni Kangut ilihimayauyut pityutauni huguqtigaunit manigaqnut natiqnait nayugauvaktut, tapkunani amihut ahii allatqit tingmiat nahugiyai. Kanguqhiurniq atuqtauvaktut nunaliknit niqikhaqhiuqhutik atuqtitlugu ubluliuqniahaqtitlugit (Mai/Juni) kangutlu manniit katitigauni atuinangittut ubluqalihqtitlugit (Juni/Julai). Mitqunnuangit katitigaunit qanilgumi kangugaluknit atuinangitmiyuqtauq pitquhiq nunaliknit ilaunyut.

TMAC risuasis hulipltutik uyagakhaiuqniqmun pitagiyat naunaiyaqviup nunani (takulugu attataqhimayuq nunaayaq) naunaiyaqniaqtatlu ilanga tahamna atuqtitlugu tamna 2015 maniqami havakviat.

TMAC Risuasis havakhimayai kititaunit inituqituqat inai nigingani tahaphuma naunaiyaqviuyup nuna titigaqhugitlu avataani 20 000 inigiyai. Tamna naunaiyaqvik nuna naunaiyagauttiangitniqhauyuq, kihimik nigugiyauyuq tahamna piqaqpiqnia amihunik inituqlituqanik inainiktauq hamani. Tapkuat inigiyai kitutliqak inituqlituqat inigiyai takuyauyut atuqtitlugu naunaiyainiq titigaqtauniat, kihimik qanguqtaulaittut.

10. *Nainaqhimayut atulaqnit avatiliqutinut, angutikhanut piqaqnitlu aktuanit ihuaqhigiqnitlu:*

Nigiukluangittugut aktuavallanikhanik tahamunga avatigiyauyumun. Aulaqniaqtugut hiniktaqlutalu ikittuni ilagini (amigaitniqhat 8 inuit). Qayalgit tingmitit mittaqnaiat tahiqli uqqualikniluniit tagiumi kangiqhukni agyaqinut havaktit, hanalgutit niqikhaitlu piyalgit atuqniqhamun hiniktaumavikmun ihuaqhaqnianut aulagiatlu naunaiyagat. Tingmitit havakniaqta piyaulaligangat tingmitmun naunaiyainiq angutikhanik, kihimik tingminiat avataani 300m (1000 itgait) nigiangittutlu kitunikliqak ulapihaqninik angutikhat. Tamaita aulagutit nunnakkut pihulutik piyauniat, mikhigiqni aktuanit nunagiyauumi nauhimayut

nauttiaqaqniuyutlu. Tamna hivuganaqniqhaq avatigiyauyumun tamna uqhukhat quvipkagaunit uqhihiplutik qulliliqutinik hiniktaqvikmilu ingniqviknik. Pihimayugut kuvinahuquqtunut atugaulanik uplalungaiyautmik pinniqat uqhukhat kuvipkaiyuqaqniqat.

11. Halumaqtigauninut akitunit:

Atungittuq uumunga havanguyumut.

12. Uuktugutauyuq halumaqtigauninut upalungaiyaut:

Atungittuq uumunga havanguyumut, pipugu kihimik hiniktaumaviulaknit pinguqtauniat (aulalaittunik nappaqhilaittut).

13. Qaphiuni Inuit havaktitauniat:

Nigiuktugut havaktitninik mikhaani 6 Inuit hivuliqtukhat ikayuqni aulagianut naunaiyainit, hanalgutit ihuaqhihimanilu. Ilagiplugit tapkuat manikhauhikhat akiliqniaqtavut tapkununga, tunihiniaqtugut nunaliuyunut maniliugutainut niuvigupta niqikhanik, uqhukhat, hanalgutitlu tahapkunanga nunalikni niqinut hanalgutitutlu niuviqviknit Ikaluktutiakmin.